



ДОМ НАРОДА
ПРЕДСТАВНИЧКИ ДОМ

Привремена заједничка комисија оба дома
Парламентарне скупштине Босне и Херцеговине
за провођење процедуре
за избор три члана Управног одбора
Агенције за развој високог образовања и
обезбјеђивање квалитета

DOM NARODA
PREDSTAVNIČKI DOM/ZASTUPNIČKI DOM

Privremena zajednička komisija oba doma
Parlamentarne skupštine Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvaliteta
Privremeno zajedničko povjerenstvo oba doma
Parlamentarne skupštine Bosne i Hercegovine
za provođenje procedure
za izbor tri člana Upravnog odbora
Agencije za razvoj visokog obrazovanja
i osiguravanje kvalitete

Broj: 01,02-50-14-686-6,1/17
Sarajevo, 19.9.2017. godine

**- PREDSTAVNIČKOM DOMU
- DOMU NARODA
PARLAMENTARNE SKUPŠTINE BiH**

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06 i 91/07), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07) i člana 51. Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), Privremena zajednička komisija oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta, na 6. sjednici, održanoj 19.9.2017., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

**o utvrđivanju Prijedloga rang-liste kandidata za izbor tri člana Upravnog odbora
Agencije za razvoj visokog obrazovanja i osiguranje kvaliteta**

**I. Imenovanje članova Privremene zajedničke komisije oba doma
Parlamentarne skupštine Bosne i Hercegovine za provođenje procedure za
izbor tri člana Upravnog odbora Agencije za razvoj visokog obrazovanja i
osiguranje kvaliteta**

Parlamentarna skupština BiH je, na 34. sjednici Predstavničkog doma, održanoj 1. 8.2016., i na 22. sjednici Doma naroda, održanoj 31.8.2016., imenovala članove Privremene zajedničke komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta (u daljnjem tekstu: Komisija), koju čine:

Nenad Lalić, Mirsad Đonlagić i Predrag Kožul iz Predstavničkog doma, te Zdenka Džambas, Safet Softić i Ognjen Tadić iz Doma naroda Parlamentarne skupštine BiH.

II. Zadaci i hronologija rada Komisije

U skladu s članom 51. Okvirnog zakona o visokom obrazovanju u BiH, te čl. 3., 5., 7., 8., 10., 11. 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Sl.glasnik BiH", broj 37/03), zadatak Komisije bio je da sačini potreban akt o svom radu, te provede daljnju proceduru izbora i predlaganja imenovanja u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala šest sjednica.

Konstituirajuća sjednica održana je 30.11.2016. Na ovoj sjednici članovi Komisije jednoglasno su za predsjedavajuću izabrali Zdenku Džambas, za prvog zamjenika predsjedavajuće izabran je Nenad Lalić, za drugog zamjenika Mirsad Đonlagić.

S ciljem javnosti rada, na veb-stranici PSBiH objavljeni su određeni akti, kao što je tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je, na 2. sjednici, održanoj 15.03.2017., usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju-javno saslušanje kandidata, kriteriji bodovanja, postupak bodovanja i utvrđivanje prijedloga jedinstvene liste kandidata i druga pitanja.

Na osnovu zakonskih odredbi, te odredbi čl. 7. do 10. Poslovnika, Komisija je na istoj sjednici pripremila i donijela Odluku o objavljivanju Javnog konkursa za provođenje procedure za izbor tri člana Upravnog odbora Agencije za razvoj visokog obrazovanja i osiguranje kvaliteta. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

- „Službenom glasniku Brčko Distrikta BiH” broj 14/17, 24. 4. 2017., u „Službenom glasniku BiH”, broj 30/17, 25. 4. 2017., te na veb-stranici Parlamentarne skupštine BiH 25. 4. 2017.

- A obavještenje o javnom konkursu u: „Dnevnom avazu“, „Večernjem listu” i „Večernjim novostima” 27.4.2017. godine, u Rok za podnošenje prijava na Javni konkurs bio je (zaključno) 10. maj 2017.

Ponovljeni Javni konkurs za člana Upravnog odbora objavljen je u:

- „Dnevnom avazu“, „Večernjem listu“ i „Večernjim novostima“ 15. 06. 2017. godine, u „Službenom glasniku Brčko Distrikta BiH“, broj 19/17, 15. 06. 2017., a u „Službenom glasniku BiH“, broj 42/17, 13. 06. 2017., te na veb-stranici Parlamentarne skupštine BiH. Rok za podnošenje prijava na ponovljeni Javni konkurs bio je (zaključno) 29. 06. 2017.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatirala da su se na Javni konkurs prijavila 3 kandidata, i to:

1. NEDŽMA DŽANANOVIĆ MIRAŠČIJA
2. MARINKO JURILJ
3. STOJANA PETROVIĆ

Komisija je, na 3. sjednici, održanoj 29.5.2017., pojedinačno i detaljno razmotrila svaku prijavu kandidata i dokumente dostavljene uz nju.

Nakon uvida u dokumentaciju svakog prijavljenog kandidata, Komisija je konstatirala da nije bilo prijavljenih kandidata koji imaju status redovnog univerzitetskog profesora, kako je bilo navedeno u posebnim uslovima konkursa, te je u skladu sa članom 7. st. (6) Poslovnika o radu donijela Odluku o ponovnom objavljivanju konkursa za izbor članova Upravnog odbora Agencije za razvoj visokog obrazovanja i osiguranje kvaliteta.

Na ponovljeni Javni konkurs prijavila su se 2 kandidata, i to:

1. SEMINA AJVAZ
2. STEVO PAŠALIĆ

Komisija je, na 4. sjednici, održanoj 25. 07. 2017., pojedinačno i detaljno razmotrila prijave kandidata na ponovljeni konkurs i dokumente dostavljene uz njih.

U skladu s članom 12. Poslovnika o radu Komisije, pet (5) kandidata je pozvana na intervju. O datumu, vremenu i mjestu održavanja intervjuja svi kandidati pismeno su obaviješteni.

Komisija je na 5. sjednici, održanoj 19.9.2017., obavila intervju- javno saslušanje kandidata.

Intervjuu su se odazvala četiri (4) kandidata. Kandidat Stojana Petrović je odustala od intervjuja.

Komisija je, u skladu s članom 13. Poslovnika o radu, sačinila obrazac-tabelu za ocjenjivanje svakog kandidata od prisutnih članova Komisije. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga rang liste kandidata

U skladu s članom 14. Poslovnika o radu Komisije, njen sljedeći zadatak bio je da, nakon provedene procedure, utvrdi prijedlog rang liste kandidata s tačnim brojem Zakonom propisanih pozicija, odnosno Prijedlog rang liste od tri, prema mišljenju Komisije, najuspješnija kandidata za članove Upravnog odbora Agencije. Komisija je pri tome bila obavezna ispoštovati uslove utvrđene Zakonom - zastupljenost konstitutivnih naroda i zvanje redovnog univerzitetskog profesora za najmanje jednog kandidata. Također, Komisija se obavezala da će, poštujući zakonske i odredbe Poslovnika o radu, u svom izvještaju domovima Parlamentarne skupštine BiH, nakon prijedloga rang liste za Upravni odbor, u daljnjem tekstu posebno navesti imena i bodove za ostale kandidate s kojima je obavljen intervju, a koji su, prema mišljenju Komisije, bili manje uspješni u odnosu na kandidate s jedinstvene liste.

IV. 1. Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH listu kandidata za imenovanje članova Upravnog odbora s tačno propisanim brojem pozicija za imenovanje, vodeći računa i o obavezi da od tri člana Upravnog odbora po jedan član treba biti predstavnik bošnjačkog, srpskog i hrvatskog naroda.

**PRIJEDLOG
JEDINSTVENE RANG LISTE ZA IZBOR TRI KANDIDATA ZA IMENOVANJE
ČLANOVA
UPRAVNOG ODBORA AGENCIJE ZA RAZVOJ VISOKOG OBRAZOVANJA I
OSIGURANJE KVALITETA**

Redni broj	Kandidat	Pripadnost narodu	Broj bodova
1.	NEDŽMA DŽANANOVIĆ MIRAŠČIJA	B	91,6
2.	MARINKO JURILJ	H	90
3.	STEVO PAŠALIĆ	S	50

IV. 2. Nakon provedenog intervjua i bodovanja kandidata, Komisija je utvrdila sljedeću listu svih kandidata za člana Upravnog odbora Agencije:

Redni broj	Kandidat	Pripadnost narodu	Broj bodova
1.	NEDŽMA DŽANANOVIĆ MIRAŠČIJA	B	91,6
2.	MARINKO JURILJ	H	90
3.	SEMINA AJVAZ	B	57,5
4.	STEVO PAŠALIĆ	S	50

V. Dostavljanje prijedloga rang liste kandidata u parlamentarnu proceduru

Komisija je na 6. sjednici, održanoj 19.9.2017., jednoglasno usvojila prijedlog liste kandidata za Upravni odbor Agencije za razvoj visokog obrazovanja i osiguranje kvaliteta.

U skladu sa zakonskim i poslovnim odredbama, Komisija dostavlja utvrđeni prijedlog liste kandidata za Upravni odbor Agencije za razvoj visokog obrazovanja i osiguranje kvaliteta Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o ovom izvještaju Komisije u domovima Parlamentarne skupštine BiH određeni su:

- iz Predstavničkog doma - Nenad Lalić, prvi zamjenik predsjedavajuće Komisije,
- iz Doma naroda – Zdenka Džambas, predsjedavajuća Komisije.

Predsjedavajuća
Privremene zajedničke komisije
Zdenka Džambas

Dostaviti:

- Kolegiju Predstavničkog doma;
- Kolegiju Doma naroda;
- a/a

Prilog: Prijedlog jedinstvene rang- liste za izbor tri kandidata za imenovanje članova Upravnog odbora Agencije za razvoj visokog obrazovanja i osiguranje kvaliteta

PRIJEDLOG

JEDINSTVENE RANG LISTE ZA IZBOR TRI KANDIDATA ZA IMENOVANJE ČLANOVA UPRAVNOG ODBORA AGENCIJE ZA RAZVOJ VISOKOG OBRAZOVANJA I OSIGURANJE KVALITETA

Redni broj	Kandidat	Pripadnost narodu	Broj bodova
1.	NEDŽMA DŽANANOVIĆ MIRAŠČIJA	B	91,6
2.	MARINKO JURILJ	H	90
3.	STEVO PAŠALIĆ	S	50

Predsjedavajuća
Privremene zajedničke komisije
Zdenka Džambas